

國

朝

列

卿

紀

國朝列卿紀卷之六十六

南京工部左右侍郎年表

許

廓

河南襄城人舉人永樂二十年任左歷兵部尚書

裴

璉

湖廣監利人太學生洪熙元年任右改北京副部

鄭

辰

浙江西安人進士宣德三年任右改兵部左

吳

政

浙江麗水人進士宣德五年任左

李

浩

湖廣安陸人監生景泰二年任右

龍

文

江西泰和人進士天順元年任右

孟

鑑

北直博野人進士天順三年任左

郝

璜

河南光州人進士天順六年任左

范理

浙江天台人進士天順八年任右改南京吏部左

蕭葵

江西泰和人進士成化六年任右

李春

南直隸無爲人進士成化八年任左

劉俊

陝西寶雞人進士成化十四年任右

李和

河南安陽人進士成化二十一年以南戶右侍郎署部事

黃孔昭

浙江黃巖人進士成化二十三年任右弘治四年卒於官贈禮部尚書謚文毅

蕭禎

詳本部尚書弘治四年任右

樊瑩

浙江常山人進士弘治五年任右歷南京刑部尚書

徐恪

南直常熟人進士弘治八年任右

沈暉

南直宜興人進士弘治十一年任右

高銓

南直江都人進士弘治十三年任右歷南戶尚書

葉贇

南直山陽人進士正德元年任右改刑左

俞俊

詳本部尚書正德元年任右

馬中錫

北直故城人進士正德元年任左歷都察院右都

張恕

順天霸州人進士正德三年任右

畢亨

山東新城人進士正德三年任右歷工部尚書

張志淳

雲南永昌衛人進士正德四年任右改南戶右

周宏

浙江德清人進士正德五年任右

俞深

浙江新昌人進士正德七年任右

藍章

山東卽墨人進士正德十年推右未任

崔文奎

詳本部尚書正
德十年任右

吳廷舉

詳本部尚書正
德十六年任右

何天衢

湖廣道州人弘治丙辰
進士嘉靖二年任右

何孟春

湖廣郴州人弘治癸丑進士嘉靖三年
由吏部左侍郎調任左四年養病爲民

張琮

直隸吳縣人弘治庚戌進士嘉靖
三年任右詳南京都察院右都

王軌

直隸江都人弘治己未進士
嘉靖五年任右歷南兵尚書

韓荆

山東陽信人弘治己未進士
嘉靖六年任右本年致仕

周倫

南直崑山人弘治己未進士嘉靖六
年任右本年遷兵部歷南刑部尚書

何瑋

河南懷慶人弘治壬戌進士
嘉靖六年任右歷南院右都

楊果

南直興化人弘治壬戌進士
嘉靖七年任右改南戶右

葉

相

南直江都人弘治壬戌進士嘉靖九年任右十年改戶左兼右副都御史養病詳刑部左

張

羽

陝西南鄭人弘治乙丑進士嘉靖十年任右十三年致仕

沈

光

廣東順德人弘治丙辰進士嘉靖十三年任右十四年調南太常寺卿致仕

范

嵩

福建甌寧人弘治壬戌進士嘉靖十三年任右十四年養病

王堯封

北直定興人弘治乙丑進士嘉靖十四年任右歷南兵尚書

胡

訓

詳本部尚書嘉靖十六年任右

張

鉞

江西安仁人正德戊辰進士嘉靖十八年任右二十年致仕

葉

相

見前嘉靖二十年再任改刑部左

屠

楷

詳本部尚書嘉靖二十年任右

嚴時泰

浙江餘姚人正德辛未進士嘉靖二十七年任右三十年致仕

龔輝

浙江餘姚人正德辛未進士嘉靖三十年由工部左侍郎調任左三十一一年致仕

歐陽塾

江西泰和人嘉靖丙戌進士三十一一年任右三十三年丁憂

張鏊

江西南昌人嘉靖丙戌進士三十三年任右歷南兵尚書

孫世祐

江西豐城人嘉靖己丑進士三十四年任右改刑部左未任卒於官

楊大章

浙江餘姚人嘉靖癸未進士三十五年任右改刑部左

郭鑒

山西高平人嘉靖乙未進士三十六年任右三十七年卒於官

王昺

山東章丘人嘉靖癸未進士三十七年任右三十八年閑住

趙貞吉

四川內江人嘉靖乙未進士三十八年任右改戶左

林廷機

見本部尚書嘉靖三十八年任右

全元立

浙江鄞縣人嘉靖乙未進士三十九年任右本年閑住

呂光洵

浙江新昌人嘉靖壬辰進士四十年任右

孫植

浙江平湖人嘉靖乙未進士四十年任右

馬森

福建懷安人嘉靖乙未進士四十年任右

霍冀

山西孝義人嘉靖甲辰進士四十年任右

蔡汝楠

浙江德清人嘉靖壬辰進士四十二年任右

徐陟

直隸華亭人嘉靖丁未進士四十五年任

任士憑

山東平原人嘉靖丁未進士四十五年任右

汪鏜

浙江鄞縣人嘉靖丁未進士四十五年任右

江治

江西進賢人嘉靖丁未進士隆慶元年任右

方廉

浙江新城人嘉靖辛丑進士隆慶三年任右

劉 懋

江西萬安人嘉靖甲辰進士隆慶四年任右本年卒

汪 鏜

見前隆慶五年任右改南禮

董傳策

直隸上海人嘉靖庚戌進士隆慶六年任右

徐 枳

直隸常熟人嘉靖丁未進士萬曆元年任

袁洪愈

直隸長洲人嘉靖丁未進士萬曆十一年任

孫光祐

山西絳州人嘉靖壬戌進士萬曆十二年任未任本月致仕

王友賢

山西寧鄉人嘉靖己未進士萬曆十二年任

蕭 廩

江西萬安人嘉靖乙丑進士萬曆十二年六月由浙江巡撫任本年改刑部左

張孟男

河南中牟人嘉靖乙丑進士萬曆十三年任

方九功

河南南陽人嘉靖乙丑進士萬曆十四年任十五年二月致仕

吳善

福建龍溪人嘉靖壬戌進士萬曆十五年二月由廣西巡撫陞未任改督兩廣

李長春

四川富順籍湖廣公安人隆慶戊辰進士萬曆十五年陞未任

舒應龍

廣西全州人嘉靖壬戌進士萬曆十五年推未任改督漕運

張西銘

山東濱州人嘉靖丁未進士萬曆十六年任右

張櫟

江西南昌人嘉靖己未進士萬曆十八年正月由南大理卿任

南京工部侍郎行實

許廓字文起河南襄城縣人永樂丙戌擢錦衣衛經歷未幾超授工科給事中復陞鴻臚寺左寺丞皆能舉其職壬辰拜工部右侍郎時職務叢脞悉心殫慮以佐其長凡可惠工而利國者皆奏行之甲午成祖親征北虜命運糧餉隨軍往返六閱月而士馬給足人無暴擾乙未將營建北京命提督神木廠事工繁役重益持謹慎始終弗渝己亥以交趾人戶田賦未有定規命往理之還朝條奏其利害數事上皆嘉納之仁宗卽位念其勤勞中外遷工部左侍郎詳兵部

裴璉字

湖廣荊州府監利縣人洪武中由太學生擢知劍

州三年陞浙江僉事改江西坐累謫興州知州永樂三年召爲北平道監察御史五年陞河南副使又以累謫知武清被薦爲廣東道監察御史十年 仁廟監國擢右春坊右中允尋改大理評事又改刑部主事坐事降易州同知洪熙元年陞工部右侍郎尋改北京行部侍郎又坐事去知涪州宣德初年以子綸爲編修遂棄州就封致仕

鄭辰字文樞浙江衢州西安人永樂丙戌進士己丑拜監察御史辛卯安福民誣人以謀逆 上命往察之具得誣狀而民以不寃乙未秋諸番之人寓福建有殺人者事聞 命往按之及至察無他坐首惡者而釋其餘丙申人有言南京報恩寺囚徒

有怨謗語 命往驗之無實得免者以萬計谷庶人謀不軌察

實以聞 上語尚書方賓曰是可謂耳目臣矣爾識其名灤州

人告官吏爲已害旣逮治矣復命往按得其實多見宥免 上

知其忠實稱任使可大用戊戌秋超拜山西按察使獄有姑誣

告婦忤逆察其誣奏出之藩省有簠簋不饒者糾治之好惡了

奪必以公不以情庚子潞州盜發 命亟還撫定之辰深入山

谷開喻之民見其來皆感泣願復爲良民辛丑 朝廷轉粟赴

山海侍郎蔚綬總之山西民有逋負尉下令於山海貸錢償之

辰曰山西民貧且悍急之則鳥獸竄卒不肯舉貸而所負亦漸

完癸卯丁內艱丙午當起復從民請補山西從之戊申召爲南

京工部右侍郎乙卯 英宗即位遣之四川雲南貴州考察藩
憲大臣而去其不職者人服其公正統丙辰有建議於大名開
河引其地諸水通衛河辰以爲非便徒勞民力奏罷之戊午遷
兵部左侍郎詳兵部

吳政字

浙江處州府麗水縣人初名善才永樂乙未進士

授行在禮部主客司主事歷本部員外郎宣德五年陞工部左
侍郎正統四年奉使出鎮湖廣五年回部景泰二年十月致仕
李浩初姓單字 湖廣承天府鍾祥縣人正統中由監生擢
兵科給事中景泰二年陞南京工部右侍郎天順元年左遷貴
州右叅政六年改河南右叅政成化二年陞貴州左布政使

功進二品俸致仕

龍文字士郁江西吉安府泰和縣人正統丙辰進士授中書舍人陞吏部驗封司員外郎景泰二年陞文選司郎中以清慎稱天順元年陞南京工部右侍郎二年卒於官遣官諭祭治墳孟鑑字克明直隸保定府博野縣人宣德癸丑進士授吏科給事中歷戶科都給事中正統十四年廣東南海賊黃蕭養起陞戶部左侍郎奉勅同都督同知董興討之復以右僉都楊信民舊爲廣東叅議有惠政特命巡撫廣東信民將至民爭歸之賊衆日散信民旣卒鑑等益加招徠至是蕭養中流矢被擒斬之餘寇悉平遂留巡撫廣東二年回戶部天順元年致仕三年

再起南京工部左侍郎六年致仕

郝璜字廷器河南汝寧府光州人正統壬戌進士十二年授吏部驗封司主事十三年遷員外郎景泰二年陞本司郎中天順元年超拜兵部右侍郎時曹吉祥石亨等用事子奪不測本年轉南京兵左侍郎六年調南京工部左侍郎八年致仕


范理字道濟浙江天台縣人宣德庚戌進士出身 宣宗嘗召

諸進士至齋宮親試用人何人得真才論理居第二賜白金五兩楮幣五十緡旣而例歸省還 朝時重守令之選拜知江陵縣事作榜文諭民懇切且明盡民口熟之縣當四方之衝過客旁午理嚴禁令雖權貴無敢漁一錢謹學校正風俗民心翕然

甫七月以舊令復遽去少保楊溥薦知德安府每歲必再按屬
以省耕收廉利弊每季必命題試諸生而第之拔其尤寘府後
堂暇輒爲其師隨州民四百家田爲楚府護衛所占猶輸租理
備奏盡歸其田民感甚皆立主祀之滿去以最異超陟福建布
政使大兵剿賊鄧茂七等理司饋餉善調度兵皆給食民不加
賦 朝廷嘉其功 賜綵幣表裏各二楮幣十丁毋憂起復拜
貴州左布政使初貴州草創卽驛爲布政司以夷之難擾也久
莫能改作理奏徙貴州前衛於他所以其地造司數百楹不掇
而就土官無資弗能職者理悉俾襲吏無敢難常移文以通夷
情問抗章以蠲逋稅餉兵春以糧秋以銀使省漕四川湖廣饋

糧貴州艱甚理俾以銀代糧糴減時值十二貴民旣獲利而川
廣被惠尤溥秩滿擢南京工部侍郎南京創自國初歲久凡百
皆弊葺造鉅費理不欲煩民廼請鬻蘆場之新葦抽分局之腐
木碎炭內府之庫苦瑣布帛通售銀殆萬兩又請南畿獄囚贖
者隨葺造所需而納於是自 郊廟宮殿內外諸署城樓街表
或造或葺動輒百千間旣修巡戰諸船數百兵食諸器數萬皆
以次成而民不知又奏各處饋南京糧者自船抵倉多所費每
米石費三斗請兵就其船人支三月之餉官取費米歲可萬石
以備賑貸從之果利尋轉南京吏部侍郎詳南京吏部

蕭燾字元衷江西吉安府泰和縣人正統乙丑進士十四年授

吏部考功司主事景泰二年陞貢外郎天順元年陞考功司郎中成化二年陞騰黃通政六年陞南京工部右侍郎八年致仕
李春字  直隸廬州府無爲州人正統丙辰進士授兵科給事中
天順四年陞福建左叅議六年以平盜功陞江西左叅政成化二年致仕四年起工部左侍郎八年改南京工部左侍郎掌印十年致仕卒於家

劉俊字世英陝西鳳翔府寶雞縣人正統乙丑進士第三授翰林院編修歷左春坊左贊善兼翰林院修撰天順八年陞南京國子祭酒成化三年冬十月改南京通政司左通政俊性通敏疎脫嗜食蚯蚓令監生家人捕取以充膳他事大率類是物議

非之遂被言官論劾改陞是官後陞南京太僕寺卿十四年陞南京工部右侍郎致仕陝西通誌俊致仕後有訪之者見俊躬與木匠同鋸木人以樸實稱之實灑脫非大臣體

李和字本中河南彰德府安陽縣人天順丁丑進士授吏科給事中嘗論事忤旨廷杖幾死遷都給事中成化十六年陞通政司叅議十九年陞右通政每居一官積年不徙二十七年李孜省以左道進而大臣競樹黨中官梁方等用事最後萬喜有寵士夫噪進者各擇從朝合夕遷是時有郎中素結倡優進欲爲通政乃傳旨遷和爲南京戶部右侍郎以彼代和尋署南京工部事詳南京戶部

黃孔昭字世顯浙江台州府黃巖縣人後其地割爲太平故今爲太平人父瑜兵部職方主事賢名甚著年十四遭職方公與母夫人金氏相繼下世自京師扶柩返葬哀毀骨立旣長執友建寧守賀汝知其賢舉爲松溪訓導不果乃嘆曰士之出仕乃藉人舉薦耶慨然誓取科第以世其家樓居獨刻苦特甚至忘寢食及入邑學家貧乏資給而學益力遂中鄉試天順庚辰登進士第初授工部屯田主事同官有貪污廢事者與不合以計擠之無所得而孔昭之名因起其人旣被黜獨署司事悉舉宿弊盡革時適議 慈懿太后山陵憤其事曰治葬吾職也亟草奏疏將上而 朝廷竟從衆議乃已尋擢都水貲外郎郎署無

故例不得改調吏部以其賢而工官非宜成化五年特奏改文選命下皆以爲宜九年擢本部郎中持選法最慎汲汲以人才爲務嘗曰國家之用才猶富家之積粟積於豐年乃可以濟饑才儲於平時斯可以濟事自頃人矯激沽名以閉門謝客爲高天下人才何由知之故公退客至輒延見詢訪有所得必書於冊徃徃量其才隨其地叅之輿論薦於天官卿用之務使用各當其才雖小官卑職亦不敢忽或因勢家干請欲私用其人輒力言其不可時旣不能盡沮後其人多自敗衆始服其正凡在文選者十五年擢通政司右通政專清武職貼黃又三年始陞南京工部右侍郎時工役不息屢假私錢以給材用歲久多

所逋負至則以提舉等司隙地皆爲豪強侵占奏復之以收其利公署毀於火且重建一新方漸革諸弊一如屯田事而俄以疾卒年六十四爲人清介有守自舉進士已有廉名及授秩以公事之江西雖鄉人之仕其地以尺帛來餽亦卻去後同考會試有勢家子暮夜持百金私謁叱之不容見然終不言其人其處公事必盡其力非特無私而已終身儉素雖老且貴如未仕時至待宗族獨不計惜嘗以舊居悉讓其弟以女弟貧乏斥俸令養之凡親友患難疾病必扶植乃已尤不妄交游故布政司陳選侍郎謝鐸皆鄉人之卓然者獨以道義相好若刑部侍郎林一鶚旣沒念其子孱弱爲經紀其喪復輯其事行傳之後奉

詔得薦舉異才以常山樊公瑩蘭谿章公懋奏二人蓋素所賢者
士論以爲得人平生好學不倦公暇輒手一冊日求古書多自
校正更輯鄉里前輩文詞爲赤城論諫錄并赤城詩集校刻行
世其所自著質實而理勝有定軒集若干卷

蕭禎詳本部尚書弘治四年任本部右侍郎

樊瑩字廷璧浙江衢州府常山縣人天順甲申進士弘治五年
由應天府尹陞本部右侍郎本年改巡撫湖廣累官南京刑部
尚書詳南京刑部

徐恪字公肅直隸蘇州府常熟縣人景泰丙子鄉薦成化丙戌
進士時葉文莊公盛爲吏部侍郎薦恪授工科給事中恪所言

皆以時事而又務存大體陞湖廣布政司左叅議兵荒之餘民
物彫瘵恪加意撫恤政尚寬簡人皆安之九年秩滿陞河南右
叅政三年陞左布政使 徽王府承奉司自置吏恪以非制革
之 王不悅奏恪侮慢罪 上特直恪以書諭王謂恪奉遵

祖訓耳何罪之有河徙逼汴城有廷臣建議遷諸王府三司於許
者上書有五不可得寢弘治三年陞都察院右副都御史巡撫
河南戶部遣官督征積逋恪上言民困乏請免徵有御史言漢
中鄖陽及四川夔州因各去本省甚遠故爲盜淵數當別立一
省專蒞之事下三處巡撫議未決恪持不可乃止恪在河南久
權倖多不便謀去之 上不忍八年調巡撫湖廣臨行民擁留

號哭聲聞數里汴城爲之罷市布政司有羨餘銀三百兩贖恪
恪正色却之且自咎曰吾乃不爲人見信如此至湖廣百姓曰
卽故叅議公 新藩之國宦豎怙勢載鹽百餘艘抑市於民恪
立捕其首寘於法斥其鹽出境外凡小人不得行其私者復百
計譖毀 上欲保全之特命遷南京工部侍郎不由外廷論薦
人皆驚愕恪卽上言傳奉非美名願臣何人敢干清議自惟立
身稍異於衆不敢有所攀援以進降氣峭直求退甚力 上勉
留之乃始就職恪於工役物料計處詳密吏胥無所售其奸班
匠至部者舊多分給勢家恪靳不與人尤怨之以年近七十乞
致仕不允乃六載考績進階正議大夫資治尹入謝疾作於廷

中命給驛以歸自恪之歸言者屢言恪可屬大事欲起用之不
果臨終語其子曰吾受國厚恩無所裨益勿乞身後恩以重
吾過前輩蕭山魏尚書可法也朝廷聞之賜葬祭如制

沈暉字

直隸常州府宜興縣人天順庚辰登進士第授南

京戶部主事歷貢外郎郎中陝西布政司叅議福建叅議叅政
廣西江西左右布政使弘治七年陞都察院右副都御史撫治
鄖陽九年改撫湖廣遂進南京工部右侍郎乞致仕家居十餘
年年七十卒暉在陝分守商洛流逋新歸者詔復三年而有司
征役如故暉劾其罪又募工闢其城免屢築之患福建銀鑛所
司有額外之賦暉按之落職御史欲翻案出之執不可御史快

快無柰卒從之廣西鎮守尅戎糧衆聚欲變羣噪扣公署燔民舍撫之不聽乃以土兵擒殺十餘人乃定當是時微暉幾爲亂琉球使入貢竊尚方禁工縱淫媒夷人易變所過莫敢問涉江西境暉曰若縱之歸得無爲外夷笑乎以計擒之卽陽七府諸司皆創建吏緣爲奸至則黜賊吏三四輩民無田者聽開墾荒埜仍復其租三年得熟田數千頃訪校官有學行者令諸生相從講學教軍士採材木陶甓甃其城十二里闢城南教場悉樹以柳以時演武其間至今萬柳成陰卽人飲於江以故多癭疾始命鑿十井於城中且造浮橋以通樊城免風濤之患以均州太和宮觀香銀糴穀賑饑有司至今遵行之其在湖廣奏定

各藩府歲祿又驗丁糧多寡定徭役輕重長沙武岳諸郡逋負至二百餘萬有司征求百方民終不能輸上奏宜命官檢實有所解縱庶民得沾恩而官事亦辦詔卽委之蠲民五十餘萬折徵餘萬官民兩利焉湖南宣慰司交惡或請兵剿之上言蠻夷相攻不可以疲中國其後夷人亦自解兵平漢鎮遠地邊貴州而縣屬湖廣所司奏欲割屬貴州爲便暉言犬牙相制自祖宗深意豈可輕變惟征調詞訟則屬之貴南京歲治城池宮室戰船上供器用動以萬計大抵奸人乾沒其間費鉅而工窳暉性善會計躬自物色品節多寡日月省試又謹倉庫出納之數諸小無所容其奸與訛造謗暉知事不可爲遂求去初爲監倉

稅亦以嚴察郡小不便侍郎章綸入浮議因考察劾之物議紛然時葉文莊爲吏侍上命與都給事中毛弘同蒞之乃白其直前任怨自小官則然矣孝弟清修好學其詩有魏晉風楷書得魯公筆意

高銓字宗選直隸揚州府江都縣人成化己丑舉進士授大理右評事出錄福建囚內申擢山東僉事遭母憂戊戌服滿補河南值歲歉人相食朝廷遣侍郎往賑銓實分領其事所活甚衆弘治元年陞浙江副使攝司事五年陞河南按察使河決張秋命官浚治銓建治河十二議贊畫居多八年陞右布政使尋轉左九年陞右副都巡撫保定立九則編徭役甚固邊圉十

三年陞南京工部右侍郎屢掌吏戶兵三部事癸亥江淮饑復領賑濟所活亦衆陳荒政入事多行之正德二年陞南京右都御史詳南京戶部

葉贊字崇禮直隸淮安府山陽縣人天順甲申進士授刑部廣東司主事歷貲外郎郎中陞浙江台州府知府丁憂起復補廣信府知府歷任江西左叅政右布政使轉左布政使十五年陞都察院右副都御史總督南京糧儲正德元年陞南京工部右侍郎本年改刑部右侍郎詳刑部侍郎

俞俊詳本部尚書正德元年任本部右侍郎

馬中錫字天祿直隸河間府故城縣人成化乙未進士丙申拜

刑科給事中陞雲南按察司僉事尋丁外艱服闋補陝西督餉
延綏改督學校尋陞副使壬子陞大理寺右少卿乙卯陞左少
卿奉命閱實居庸紫荆倒馬諸關在鎮三年嚴禁例杜請托凡
芻糧工匠馬匹之利舊爲勢家所擅者悉歸之官乙未三月以
疾得請邊人叩頭願留詔待其病痊亟用之乙丑武宗卽
位歷巡撫遼東右副都丙寅六月召還陞兵部右侍郎未幾
轉左逆瑾方用事有朱贏者其心腹也冒邊功馬陞牽連數十
百人脅兵部爲之覈請大司馬旣許之矣中錫曰如允負目增
邊人解體何哉卒據實上請事得已瑾銜之十二月矯詔改南
京工部左侍郎尋罷其官後起原職歷都察院右都御史詳都

察院

張恕字

順天府霸州人成化辛丑進士授夏津知縣擢御

史正德二年累陞南京右僉都御史三年陞南京工部右侍郎
本年致仕

畢亨字嘉會山東新城縣人成化乙未登進士戊戌授吏部驗
封司主事乙巳陞本司員外郎丙午陞本司郎中庚戌改考功
辛亥陞順天府丞甲寅奉 命捕蝗忤權貴爲所中傷 孝廟

察其誣宥之七年時諫垣有躁進者素銜之且欲得其缺以次
遷補遂乘隙劾之調兩淮運同知九年陞運使劇剔宿蠹爲倪
青谿公所重十三年歷轉湖廣右叅政淮人爲碑廓下有千古

清風滿素碑之句十三年轉浙江右布政使十五年改陝西左布政未任陞都察院右副都御史巡撫甘肅以憂去正德二年服闋陞南京工部右侍郎會湖廣河南災命兼僉都巡視四年改工部尋陞尚書詳工部尚書

張志淳字進之應天府江寧人祖以戎籍編雲南永昌衛成化甲辰進士弘治間授文選主事丁外艱起復補驗封擢稽勲員外郎尋調考功擢稽勲郎中旋調考功進文選郎中用賢拔滯門無私謁正德初擢太常寺少卿提督四夷館尋遷正卿懲入館子弟空名之弊舊習一變正德四年陞南京工部右侍郎五年改南京戶部詳南戶部

周宏字

浙江湖州府德清縣人成化乙未進士授工部主

事改禮部精膳司歷貢外郎郎中陞廣東右叅議

叅政

按察使

布政正德四年陞應天府尹五年陞南京工部

右侍郎六年致仕

俞深字濬之別號東溪浙江紹興府新昌縣人成化甲午領浙

江鄉薦聯登乙未進士觀政吏部初知休寧縣崇儒學恭祀典

惠鰥寡表孝行禁豪猾六載以治最召人民思之不忍釋壬

寅夏擢江西道監察御史出巡視山西河東鹽課適歲大侵人

皆相食奏請發粟千餘石以賑鹽丁所賴全活者不可勝計事

竣後差巡直隸鳳陽等處其地方多貴戚豪橫不可羈一繩

以法激揚不避權勢屬吏貪墨者皆聞風解印綬去戊申 孝

宗卽位改元適回京復命特褒嘉之是年秋丁內艱次年夏繼

丁外艱壬子服闋復除湖廣道監察御史以年勞擢四川按察

司副使整飭安綿等處兵備安綿石江龍州城臨絕澗控夷落

俗椎髻鎮之恒難其人至則廉勤愈見於操履政惠不及於兵

民由是夷人胥化而邊圉以寧尋陞雲南右叅政管理鹽法刻

剔宿弊國課無虧又陞廣西右布政使鎮巡奏征柳州猺賊其

督理軍餉運籌決策皆賴之未幾轉雲南左布政以父鐸嘗居

此任不敢正席坐凡所設施一遵父舊規母敢少更滇南民愛

之見出行輒舉手加額曰是世澤我民者也值正德初年巨璫

柄國獨安於外寮畧不動念暨柄國者伏誅乃起太僕寺卿於
留都已而又擢南京工部右侍郎勅修理孝陵殿工畢回
奏欽賜白金表裏因以年及乞休日以書籍自娛足跡不及
公門鄉評重之

藍章字

山東卽墨人成化甲辰進士正德十年以南京刑

部右侍郎兼僉都御史清理鹽法改南京工部右侍郎未任

公門

卷

附

新刊御製之六十六終

國朝列卿紀卷之六十七

工部總督易州山廠尚書侍郎等官年表

李

濟

山東武定州人歲貢宣德五年立廠於易州平山命以都察院左僉都御史董其事九年回院出撫遼東

陳恭

應天江寧人舉人正統初年以大理寺丞通政使督廠事加工部右侍郎工部尚書十年致仕

王永壽

山西太原人鄉舉正統十年以工部右侍郎督廠事

張敏

順天永清人進士正統十三年以工部右侍郎督廠事

鄒幹

浙江餘杭人進士景泰四年以禮部侍郎督廠事

吳復

福建閩縣人知印天順元年以工部右侍郎督廠事

蕭斌

陝西朝邑人鄉舉天順八年以右通政督理山廠

霍瑄

陝西鳳翔人舉人成化三年以工部左侍郎督易州山廠一月被劾免官

王

詔

湖廣衡陽人進士成化三年以通政司右叅議督殿事七年加工部右侍郎仍前任

程萬里

湖廣華容人進士成化八年以左通政任

萬

祺

江西南昌人吏員成化十二年以工部尚書任加太子少保二十年卒

談

倫

直隸上海人進士成化十八年以工部右侍郎督山廠二十一年致仕

潘

禮

河南歸德人進士成化二十三年以工部左侍郎督易州山廠弘治五年致仕

曾

鑑

見本部尚書弘治五年以工部右侍郎督殿事

王

傳

順天寶坻人進士弘治九年以太僕寺卿督殿事

彭

禮

江西安福人進士弘治九年以太僕寺卿督殿事本年加工部右侍郎

林

鳳

浙江樂清人錦衣衛籍進士弘治十一年以工部右侍郎督易州山廠

陳

琬

廣西全州人進士弘治十一年以工部右侍郎任

張憲
江西德興人進士弘治十四年以工部右侍郎督廠事

韓鼎
長西合水人進士弘治十八年以通政使任

胡諒
見本部侍郎弘治十八年以右侍郎推

吳洪
見本部侍郎弘治十八年以工部右侍郎督廠事

王寅
見本部侍郎正德五年以右侍郎任

張遇
見本部侍郎正德七年以右侍郎任

馮蘭
直隸孟縣人進士正德八年以工部右侍郎提督易州山廠十二年致仕

劉永
天固安人進士正德九年以工部右侍郎任

廖玘
直隸東光人正德十一年以工部右侍郎任

楊廷儀
四川新都人進士正德十三年以工部右侍郎督廠事

沈冬魁 直隸阜城人進士正德十六年以工部右侍郎督賑事

姚 鏌 浙江慈谿人進士嘉靖元年以工部右侍郎督賑事

陳 雍 浙江餘姚人進士嘉靖二年以工部右侍郎督賑事

何天衢 湖廣道州人進士嘉靖五年以工部右侍郎督賑事

徐 蕃 直隸泰州人進士嘉靖四年以工部右侍郎督賑事

盛應期 直隸吳縣人進士嘉靖四年以工部右侍郎督賑事

劉思賢 湖廣石首人進士嘉靖六年以工部右侍郎督賑事

八年以後裁革

總督易州山陝行實

李濬字伯淵山東濟南府武定州人由歲貢永樂中擢行在四
川道監察御史卓然有聲宣德元年漢庶人謀叛劫衆從已濬
馳京告變 朝廷仗大義以討平之改樂安爲武定州嘉其忠
陞都察院左僉都御史階中順大夫復賜以襲衣綵段三年
特賜誥命曰爾中順大夫都察院左僉都御史李濬擢任風紀清
慎廉介當叛逆圖危之初乃心國家首發其謀嘉爾忠誠擢貳
憲長授任以來益圖克稱茲特錫之誥命以爲爾榮五年立廠
於易州平山命督其事初庶事草創未備濬區畫有方不激不
隨規模槩定未幾回院詳遼東巡撫

陳恭字

應天江寧人洪武甲子舉人正統初年改厥於易

州沙魚口以大理寺丞任陞大理寺右少卿四年陞通政使仍督厥事六年任工部右侍郎九年陞工部尚書俱仍前任十年致仕

王永壽字本仁山西太原府太原縣人永樂癸卯鄉舉正統十年陞工部右侍郎督厥事十一年奉命鎮守湖廣地方凡事務存忠厚不爲急切之政十三年召理部事詳南京工部尚書張敏字懋學一字時勉順天府永清縣人宣德癸丑進士擢工科給事中轉左給事中以才幹聞正統十二年特拜工部右侍郎管易州山厥十四年命鎮守山西地方景泰元年取回理部

事天順元年致仕

鄒幹字宗盛浙江餘杭人正統戊午中鄉試明年己未遂登進士第庚申初授兵部職方司主事歷陞署武選司員外郎郎中己巳八月北虜犯邊一時所需甲仗糧餉未有能任其劇者乃超遷兵部右侍郎辛未清軍職貼黃事竣改禮部壬申奉勅考察山西官吏癸酉河南鳳陽等處大水詔往救荒民多受惠凡奏免稅糧若干萬石既歸命督易州山廠薪炭積弊頓革因奏設主事一人綜覈其事幹獨總其綱而已居三年召還治部事尋陞左侍郎詳禮部尚書

吳復字

福建閩縣人宣德中知印景泰二年任右通政天

順元年改廠易州改工部右侍郎督廠事八年致仕

蕭斌字

陝西朝邑人正統乙丑進士天順年任吏科都

給事中八年任左通政督理山廠成化三年卒於官

霍瑄字廷璧陝西鳳翔府鳳翔縣人永樂辛丑舉人入太學待
銓正統十年授大同府通判十一年保陞大同府知府已巳

英廟北狩駕至城下守城者戒嚴不敢啓瑄從木竇下匍匐出謁
叩馬鳴咽進膳羞靴袍等物出金帛犒勞景泰五年陞山西左
叅政仍掌府事天順元年陞工部左侍郎賜二品服成化三年
命督易州山廠到任一月因言其屬何經經訐其擅費工料瑄
不自安以老乞休六年五月卒瑄質樸少文勤於幹理在大同

最久熟知邊務雖官至侍郎不究其用云

王詔字伯宣湖廣衡陽人正統壬戌進士授禮科給事中歷本科右給事中天順中陞禮科都給事中成化二年陞通政司右叅議三年命管易州山廠六年以清譽加工部右侍郎仍管廠事詔言惜薪等司諸項柴炭年增一年今順天真定保定俱被災傷救死不贍焉能應役乞勅工部行內外諸司自今合用柴薪預爲減省以節民用從之八年召還工部理部事十年陞本部左侍郎十六年卒於官贈尚書

程萬里字道遠湖廣岳州府華容縣人天順丁丑進士授吏科都給事中成化六年上言饑民流集京師米價騰踴目今吏部

聽選官監生不下萬餘員率多缺食乞准回籍以聽取用從之
陞通政司右叅議尋轉左七年陞右通政八年轉左通政管易
州山廠九年陞戶部右侍郎十三年致仕

萬祺字

江西南昌縣人少遇異人相之曰有仙骨否亦極

貴因留一書與之乃祿命法也於是研精以下公卿貴人多奇
中少爲縣學吏景泰中辦事吏部衆奇其術授鴻臚寺序班進
主簿及召見有言輒驗 賜以白金綵幣改吏部驗封主事三
年陞本司員外旣而景泰不豫有議召襄藩者石亨以問祺祺
曰 皇帝在宮奚事他求刻期復辟與全寅筮占及徐有貞迎
駕觀象合 上旣復位召見文華殿卽日擢本司郎中曹欽反

執王翺李賢時祺在旁欽問之對曰公勿負國家宜以死上謝
則自求多福又徐謂曰尊翁碑文非李公筆耶公當勿忘欽俛
首其兄鐸曰萬君言是也王李二人獲免事平 上聞而壯之
召祺賜宴勞遂陞太常寺卿成化壬辰陞禮部左侍郎丁母憂
起復爲言官所論改工部十二年丙申陞尚書管易州厰柴炭
十五年五月以 皇太子出閣加太子少保二十年甲辰正月
卒 賜葬祭祺以吏胥致位官保大駭物論但爲人謙約故得
保全云

談倫字

直隸上海人天順丁丑進士授吏部驗封主事四

年陞本司員外郎成化五年轉本司郎中六年丁憂十四年陞

應天府丞十八年以工部右侍郎任二十一年致仕

潘禮字

河南歸德衛人天順庚辰進士任禮科給事中改

戶科左成化七年任通政司右叅議十二年陞右通政十八年改南右通政二十一年陞太僕寺卿二十三年陞工部左侍郎督易州廠弘治五年致仕

曾鑑見本部尚書弘治五年以右侍郎督廠事

王傳字

順天府寶坻縣人成化乙未進士弘治元年任通

政司右通政九年以太僕寺卿督廠事

彭禮字彥恭江西安福縣人成化壬辰進士十年授兵部職方司主事十八年陞本司員外郎二十年陞本司郎中二十三年

陞太僕寺少卿弘治五年歷陞太僕寺卿九年命管易州山厰
本年陞工部右侍郎仍舊任管山厰十一年四月改總督蘇松
糧儲巡撫應天左副都御史詳應天巡撫

林鳳字

浙江樂清縣人錦衣衛籍成化丙戌進士任兵部

郎中弘治二年陞南京太僕寺少卿六年陞光祿寺卿十
一年陞工部右侍郎督易州山厰十年致仕

陳琬字

廣西桂林府全州人成化戊戌進士弘治六年任

通政司左通政十年陞工部右侍郎督厰事

張憲字廷式江西德興縣人成化壬辰進士十七年授考功主
事十八年陞本司員外郎二十年陞稽勳郎中二十三年改考

功在吏部凡十年廉勤公愼如一日弘治三年陞山東左叅政在山東凡五年陞浙江右布政使久之歷順天府尹十四年閏七月陞工部右侍郎總理易州山廠統郡人役民數萬趨走之吏自郡倖而下餘百員故爲奸利囊橐憲曰近臆易汙吾豈可不愼哉總理用公差例日廩五升省八郡常供之餽簿書有關防以杜掾役之欺柴夫納銀得痛損加耗之數於是宿蠹十去七八而積欠薪日以完矣十八年召還理部事詳南京工部尚書

韓鼎字廷器陝西慶陽府合水縣人成化辛丑進士乙巳選爲禮科給事中戊申遷右給事中進左給事擢通政司右叅議乙

卯應詔陳言調南京尚寶司卿尋改南京通政司左叅議庚申
擢右通政駐平安鎮督理河道乙丑擢通政使督理柴薪於易
州廠盡剔宿弊完逋薪一千七百萬有奇以母憂去職詳戶部
右侍郎

胡諒見本部侍郎弘治十八年推工部右侍郎諱被劾閑住
吳洪見本部侍郎弘治十八年以右侍郎督廠事

王寅見本部侍郎正德五年以右侍郎督廠事

張遇見本部侍郎正德七年以右侍郎督廠事

馮蘭字



直隸保定府蠡縣人弘治癸丑進士授吏部考功

司主事十二年陞驗封司員外郎十四年陞稽勲郎中丁憂正

德二年起復改考功三年改文選郎中四年陞南京右通政七年陞光祿寺卿八年陞工部右侍郎督易州山廠十一年致仕

劉永字

順天府固安縣人

成化甲辰進士授廬州府推官

弘治十年陞吏部文選司主事十二年陞考功司員外郎十六年改文選十七年陞驗封司郎中十八年改考功正德二年改文選司郎中三年陞膳黃右通政七年陞太僕寺卿九年陞工部右侍郎署廠事十二年轉左十六年致仕

廖玘字

直隸東光人

弘治庚戌進士五年授吏部考功司

主事十二年丁憂十六年起復補稽勲主事十七年陞稽勲員外郎十八年改文選正德元年養病二年補考功三年改文選

四年陞文選郎中本年陞太僕寺少卿七年陞提督四夷館太常寺卿尋改太常寺十一年陞工部右侍郎督廠事詳吏部尚書

楊廷儀字

四川新都人弘治己未進士

正德二年任兵部職方司郎中定武舉考試例上准行之三年改吏部考功司郎中四年改文選五年改太僕寺少卿尋改提督四夷館太常寺少卿六年改太常寺少卿九年陞太僕寺卿十年改太常寺卿十三年陞工部右侍郎督廠事十四年改兵部右十六年轉左嘉靖二年致仕

沈冬魁字

直隸阜城人弘治庚戌進士正德四年由吏部

驗封司郎中陞順天府府丞八年改提督四夷館太常寺少卿
九年陞光祿寺卿尋改提督四夷館太常寺卿十二年陞都察
院右副都御史巡撫河南十六年陞工部右侍郎督易州山廠
嘉靖元年召理部事添註改總儲戶部右侍郎二年陞南京禮
部尚書六年致仕

姚鎮字英之浙江慈谿人弘治癸丑進士九年除禮部祠祭主
事十五年八月陞精膳司員外郎十六年四月陞廣西提學僉
事正德二年丁母憂四年十月補廣西提學僉事五年夏轉福
建副使秋改提學九年吏部旌方面官之碩望素享者十五人
鎮與焉五月陞貴州按察使十年三月陞福建右布政九月陞

山東左布政十五年十月命巡撫延綏嘉靖元年冬召爲工部
右侍郎提督易州山廠上下不敢爲私先是東廠官校專求山
廠之弊前督理大臣皆諂事之獨峻拒不與通卒不能爲害山
東山西河南柴價鑛但取歲額納罷卽歸不稽刻由是遠近樂
輸一歲間至八九萬緡前亞卿乾沒殆千金密爲掩之人不知
也二年春郊命分獻東海十一月以本官兼左僉都御史總督
漕運將行值大同兵變改兵部右侍郎詳三邊總督

陳雍字希冉浙江餘姚人成化甲辰進士弘治戊申授工部營
繕司主事辛亥改刑部四川司主事遷員外郎甲寅六年考滿
實授丙辰陞湖廣按察僉事庚申丁外艱癸亥復除江西僉事

甲子丁內艱正德戊辰補山西僉事己巳陞布政司左叅議庚午陞副使壬申陞廣東按察使甲戌陞河南右布政乙亥陞貴州左布政使丙子八月陞右副都御史撫治鄖陽戊寅陞工部右侍郎兼左僉都御史總督湖廣川貴採木 賜織金麒麟服辛巳回部添註管事嘉靖壬午 世廟登極遣祭太嶽太和山及四川神木山癸未至京時兩京工作事興佐趙司空璜均節之易州柴炭厥缺官命攝之嚴辦納抑徼倖時不逞者騰謗議乙酉陞南京工部尚書而言官訕以厥中弊乃具本自辨復具疏乞休准致仕詳南京工部尚書

何天衢字

湖廣永州府道州人弘治丙辰進士任南

道監察御史正德元年十一月同御史薄彥微等上疏黜權閹
正國法留保輔大臣以安宗社致怒劉瑾差官逮繫錦衣獄二
年閏正月瑾矯旨杖三十發爲民榜示朝堂五年九月瑾誅復
職歷經陞轉十六年陞都察院右副都御史巡撫河南嘉靖二
年陞南京工部右侍郎三年改工部右侍郎督理易州山廠四
年回理部事六年卒於官贈工部尚書

徐蕃字宜之直隸揚州府泰州人弘治癸丑進士乞終養謁選
授南京吏科給事中十五年疏蕃畜牧以威遠事下兵部議之
正德元年十一月同給事中戴銑等上疏黜權閹正國法留保
輔大臣以安宗社致怒劉瑾逮繫錦衣衛獄二年閏正月瑾矯

旨杖三十登爲民榜示明堂五年九月薨復職歷江西叅議
七年陞浙江提學副使抑浮靡崇理學九年吏部旌方面官碩
望素孚者如天順間例以勵天下副使獨蕃與姚公鎮湯公沐
與十年陞山東右叅政十四年陞山西左布政使十六年陞順
天府府尹嘉靖元年陞撫治郎陽右副都御史三年陞南京戶
部右侍郎四年改工部右侍郎提督易州山廠六年養病
盛應期字斯徵直隸蘇州府吳江縣人弘治癸丑進士授工部
都水司主事十年降雲南縣丞十四年陞祿豐知縣十六年陞
順慶府通判正德元年陞武昌府同知本年丁憂四年補長沙
府同知本年陞雲南副使十年陞河南按察使十一年陞山東

右布政使十三年陞陝西左布政使十四年歷陞都察院右副都御史巡撫四川地方十五年丁憂嘉靖元年起撫江西地方三年陞兵部右侍郎兼右僉都御史總制兩廣軍務兼理巡撫四年回籍後起工部右侍郎管易州山廠六年陞總督河道右都御史八年劾免詳河道

劉思賢字

湖廣石首人弘治丙辰進士嘉靖四年任南京

太僕寺卿改提督四夷館太常寺卿六年陞工部右侍郎督廠事八年被劾致仕

國朝列卿紀卷之六十七終